



Heroin zaplijenjen u akciji Ostrvo / ARHIV

Vukšić priznao

Damir Vukšić, optužen za neovlašteni promet drogama, sklopio je sporazum sa Tužilaštvom BiH

Optuženi Damir Vukšić (37), rođen u Essenu u Njemačkoj, a nastanjen u Ljubuškom, sporazumno je priznao krivicu, odnosno da se bavio neovlaštenim prometom opojnim drogama.

Tužilaštvo BiH je za optuženog predložilo zatvorsku kaznu od jedne godine, a sporazum o priznanju prosljeđen je Sudu BiH na razmatranje.

Vukšić je uhapšen zajedno sa još tri osobe u akciji Ostrvo, koju su pripadnici SIPA izveli zajedno sa policajcima MUP-a ZHK-a u Ljubuškom. Kako je tada saopćeno iz SIPA, u toj akciji pronađeno

je više od 400 grama miksano heroina i oko 65 grama heroina visoke čistoće i kvaliteta.

Vukšić se tereti da je tokom marta 2016. prenio oko sto grama kokaina iz Njemačke u BiH, gdje je jedan dio preprodao, dok je drugi dio zamijenio za heroin, s ciljem daga prodaja dalje u Hrvatsku, saopćeno je još ranije.

Prema navodima optužnice, prilikom pokušaja realizacije prodaje predmetne opojne droge, optuženog su spriječili i uhapsili policajci koji su kod njega tada pronašli i oduzeli heroin ukupne neto mase 42,910 grama.

Z. Đ.